



**“TASDIQLAYMAN”**

“Milliy PR-markazi” DUK direktori  
D.Samandarova  
“ ”  
\_\_\_\_\_ 2022-yil

**“Milliy PR-markazi” DUK xarid komissiyasi yig‘ilishining \_\_\_-sonli BAYONI**

**Komissiya raisi:**

D.Samandarova - Direktor

**Komissiya a‘zolari:**

B.Shakirov - Targ‘ibot masalalari bo‘yicha direktor o‘rinbosari;

A.Ravshanov - Moliyaviy masalalar bo‘yicha direktor o‘rinbosari;

M.Saydametov - Bosh buxgalter - bo‘lim boshlig‘i v.v.b;

I.Madrimov - Tadbirlar o‘tkazish bo‘limi boshlig‘i;

N.Samiyeva - Xorijiy va media loyihalar bilan ishlash bo‘limi boshlig‘i;

N.Serdina - Raqamli targ‘ibot bo‘limi boshlig‘i;

S.Raximova - Kontent bo‘limi (Uzbekistan.travel jurnali tahririyati) boshlig‘i;

A.Nurmanov - Xo‘jalik bo‘limi boshlig‘i.

**KUN TARTIBI:**

Turizm va madaniy meros vazirligi tomonidan joriy yilning ikkinchi yarimida o‘tkazilishi rejalashtirilayotgan tadbirlarni (*Xalqaro turizm kuni, Ziyorat turizmi haftaligi, TMTY-2022*) samarali o‘tishini ta‘minlash maqsadida **“Welcome to Uzbekistan”** va **“Ziyorat turizmi”** qisqa metrajli videoroliklarini suratga olishga oid shartnoma tuzish huquqi uchun xizmatlarni yetkazib beruvchini (ijrochini) tanlash bo‘yicha tanlov hujjatlarini ko‘rib chiqish va tasdiqlash.

“Milliy PR-markazi” DUK direktori D.Samandarova raisligida 2022-yil \_\_\_\_\_-kuni Turizm va madaniy meros vazirligi tomonidan joriy yilning ikkinchi yarimida o‘tkazilishi rejalashtirilayotgan tadbirlarni (*Xalqaro turizm kuni, Ziyorat turizmi haftaligi, TMTY-2022*) samarali o‘tishini ta‘minlash maqsadida **“Welcome to Uzbekistan”** va **“Ziyorat turizmi”** qisqa metrajli videoroliklarni suratga olishga oid shartnoma tuzish huquqi uchun xizmatlarni yetkazib beruvchini (ijrochini) tanlash bo‘yicha tanlov hujjatlarini ko‘rib chiqish va tasdiqlash maqsadida “Milliy PR-markazi” DUK xarid komissiyasining (keyinchalik-Komissiya) yig‘ilishi o‘tkazildi.

Yig‘ilish kun tartibiga muvofiq, Komissiya a‘zolariga yurtimizning turistik salohiyatini xorijiy va milliy OAVlarda, shuningdek ijtimoiy tarmoqlarda keng targ‘ib etish maqsadida qisqa metrajli videoroliklarni suratga olishga oid shartnoma tuzish huquqi uchun xizmatlarni yetkazib beruvchini (ijrochini) tanlash

bo'yicha tanlov hujjatlari loyihalari ko'rib chiqish va muhokama uchun taqdim etildi.

Komissiya raisi (D.Samandarova) tomonidan tanlov hujjatlaridagi shartlardan kelib chiqib:

-yurtimizning turistik salohiyatini xorijiy va milliy OAVlarda, shuningdek ijtimoiy tarmoqlarda keng targ'ib etish uchun, qisqa metrajli videoroliklarni suratga olish qiymatini **993,0** mln (to'qqiz yuz to'qson uch million) so'm qilib belgilash;

-yuqorida bildirilgan takliflar yuzasidan Komissiya a'zolaridan o'z fikr-mulohazalarini bildirishlari so'raldi. Komissiya a'zolari tomonidan taklif yuzasidan e'tiroz va qo'shimchalar bildirilmaganligi sababli ushbu masala ovozga qo'yildi.

**Ovoz berish natijalari:**

“ROZIMAN” – 9 nafar;

“QARSHIMAN” – yo‘q;

“BETARAF” – yo‘q.

Ovoz berish natijalariga asosan “Milliy PR-markazi” DUK xarid komissiyasi

**QAROR QILADI:**

1. Yurtimizning turistik salohiyatini xorijiy va milliy OAVlarda, shuningdek ijtimoiy tarmoqlarda keng targ'ib etish maqsadida qisqa metrajli videoroliklarni suratga olish hamda keng targ'ib etishga doir tanlov hujjatlari \_\_ilovaga asosan tasdiqlansin.

2. Yurtimizning turistik salohiyatini xorijiy va milliy OAVlarda, shuningdek ijtimoiy tarmoqlarda keng targ'ib etuvchi qisqa metrajli videoroliklarni suratga olishga oid shartnoma qiymati **993,0** mln (to'qqiz yuz to'qson uch million) so'm miqdorida belgilansin;

3. Moliya-iqtisodiyot bo'limi yetakchi mutaxassisi (Z.Turobov) ilova qilingan hujjatlarni 5 kun ichida asosida [xarid.uzex.uz](http://xarid.uzex.uz) saytida tanlov e'lon qilsin.


**Komissiya a'zolari:**

B.Shakirov

A.Ravshanov

M.Saydametov

I.Madrimov



N.Samiyeva



N.Serdina



S.Raximova



A.Nurmanov



**Kotib:**

Z.Turobov





## TANLOV HUJJATLARI

(“Welcome to Uzbekistan” va “Ziyorat turizmi” haqida qisqa metrajli videoroliklarni suratga olishishlarini bajarish huquqini beruvchi shartnoma tuzish uchun)



**Buyurtmachi:** “Milliy PR-markazi” DUK

**Kiritildi:**

Moliya-iqtisodiyot bo‘limi yetakchi mutaxassisi

**Kelishildi:**

direktor o‘rinbosari

  
Z. Turobov  
  
A. Ravshanov

### Eng yaxshi takliflarni tanlash hujjatlari tuzilmasi:

- 1) Eng yaxshi takliflarni tanlash bo‘yicha e‘lon berish uchun ma‘lumot;
- 2) hisob-kitoblar valyutasi va to‘lov tartibi to‘g‘risida ma‘lumot;
- 3) Tanlovda qatnashish uchun taklif qaysi tilda tayyorlanishi zarurligiga oid talablar;
- 4) ishtirokchilarga Tanlov hujjatlarining qoidalariga oid tushuntirishlar berishning tartibi, boshlanishi va tugatilish sanalari;
- 5) agar mahsulot (ish, xizmat) uchun muqobil variantlarga yo‘l qo‘yilsa, lotni almashtirish uchun muqobil takliflarni baholash tartibining tavsifi;
- 6) Texnik topshiriq;
- 7) ishtirokchilar takliflarini baholash mezonlari va ko‘rib chiqish tartibi;
- 8) Shartnoma loyihasi

### 1. Tanlov o‘tkazilishi haqida e‘lon berish uchun ma‘lumot

<b>1.1. Xizmatning tavsifi:</b>	Markazning buyurtmasiga asosan “Welcome to Uzbekistan” hamda “Ziyorat turizmi” qisqa metrajli videoroliklarni suratga olish Shartnomaning umumiy summasi QQS bilan birga 993,0 mln (to‘qqiz yuz to‘qson uch million) so‘mni tashkil etadi
<b>1.2. Xizmat narxi:</b>	
<b>1.3. Tanlov o‘tkaziladigan joy manzili:</b>	Buyurtmachining ofisida: Toshkent, Mirobod tumani, Oybek, 18-uy
<b>1.4. Tanlov ishtirokchilariga qo‘yiladigan talablar:</b>	1) Faoliyat yuritish huquqi uchun ruxsatnomaning (zarur hollarda), shuningdek mahsulotlar (xizmatlar)ning xalqaro standartlarga javob berishini tasdiqlovchi amaldagi sertifikatning mavjudligi; 2) Davlat tashkilotlari bilan ishlash tajribasining mavjudligi; 3) Davlat byudjetiga soliqlar va majburiy to‘lovlar bo‘yicha qarzdorlikning mavjud emasligi; 4) O‘zining shaxsiy professional asbob-uskunalariga, texnik vositalariga hamda malakali mutaxassislariga ega bo‘lish.
<b>1.5. Aloqa qiluvchi shaxslarning to‘liq ism shariflari, lavozim va manzili:</b>	M.Nurullayeva - Xorijiy va Media loyihalar bilan ishlash bo‘limi bosh mutaxassisi, tel.: + 99899 444-11-90 Z.Turobov – “Moliya-iqtisod” bo‘limi yetakchi mutaxassisi, tel.: +99893-565-08-92; <i>Toshkent shahri, Mirobod tumani, Oybek, 18-uy.</i>
<b>1.6. Takliflarni qabul qilishning oxirgi sanasi va vaqti:</b>	Boshlanishi: “ ” 2022-yil Tugash vaqti: “ ” 2022-yil

### **1.7. Tanlovda ishtirok etish to'g'risidagi taklifga qo'yiladigan talablar:**

- 1) Tanlov ishtirokchilariga o'z takliflarini ishtirokchining vakolatli shaxsining elektron raqamli imzosi bilan tasdiqlangan holda taqdim etishlari tavsiya qilinadi.
- 2) Taklif e'londa ko'rsatilgan shartnomani bajarish uchun zarur bo'lgan texnik, moliyaviy, moddiy, kadrlarga oid va boshqa resurslar mavjudligi to'g'risidagi ma'lumotlarni o'z ichiga olgan texnik va tijorat takliflari bo'lishi kerak.
- 3) Taklifda ishtirokchilar davlat xaridlari obyekti bo'lgan eskiz, rasm, fotosurat, namuna, tovar namunalarini taqdim etishlari mumkin.
- 4) Tanlov ishtirokchisi bitta lot bo'yicha faqat bitta taklifni taqdim etish huquqiga ega.
- 5) Tanlov ishtirokchisi taqdim etilgan ma'lumotlar va hujjatlarning haqiqiyliги va ishonchliligi uchun javobgardir.
- 6) Tanlov ishtirokchisi o'zi taqdim etgan taklifni bunday takliflarni taqdim etish uchun belgilangan muddati tugagunga qadar qaytarib olish yoki o'zgartirish huquqiga ega emas.
- 7) Takliflarni qabul qilish portalgа qo'yilgan e'londa nazarda tutilgan muddat kelishi bilan tugatiladi.
- 8) Tanlov ishtirokchisi buyurtmachiga, tanlov to'g'risidagi e'londa nazarda tutilgan shaklda, tanlov hujjatlari qoidalariga aniqlik kiritish to'g'risida so'rov yuborish huquqiga ega.

**1.8. Mahsulotlarning umumiy soni:** 2 ta videoroliklar xar biri (30, 60, 120) sekunddan iborat

**1.9. Shartnoma muddati:** 2022-yil 31-dekabrgacha, ishni bajarish muddati Shartnoma imzolangan kundan boshlab boshlab 60 kun.

**1.10. Shartnomaning umumiy bahosi:** QQS bilan 993,0 mln (to'qqiz yuz to'qson uch million) so'm.

### **2. Hisob-kitoblar valyutasi va to'lov tartibi**

2.1. To'lov (shartnoma) valyutasi - so'm;

2.2. To'lov tartibi: O'zbekiston Respublikasining "Davlat xaridlari to'g'risida" gi qonuniga (47-modda) muvofiq shartnoma to'g'risidagi ma'lumotlar shartnomalar reestriga kiritilganidan keyin 30% miqdorida oldindan to'lov, qolgan 70 % ishlarni topshirish-qabul qilish dalolatnomasiga binoan buyurtmachi tomonidan ishlar qabul qilinganidan keyin 5 (besh) ish kuni ichida to'lanadi.

### **3. Tanlov qatnashish uchun taklif qaysi tilda tayyorlanishi zarurligiga oid talablar:**

3.1. Ishtirokchining taklifi davlat o'zbek tilida tayyorlanadi va taqdim etiladi.

### **4. Ishtirokchilarga Tanlov hujjatlarining qoidalariga oid tushuntirishlar berishning tartibi, boshlanishi va tugatilish sanalari**

4.1. Tanlov ishtirokchisi buyurtmachiga, Tanlov haqidagi e'londa ko'rsatilgan shaklda, Tanlov hujjatlarining qoidalariga aniqlik kiritish to'g'risida so'rov yuborish huquqiga ega.

4.2. Buyurtmachi so'rovni olgan kundan boshlab ikki ish kuni ichida, agar so'rov takliflar yuborishning e'londa belgilab qo'yilgan oxirgi muddatidan kamida ikki kun avval kelib tushgan bo'lsa, Tanlov hujjatlari qoidalariga oid tushuntirishlarni yuborishi shart.

### **5. Agar mahsulot (ish, xizmat) uchun muqobil variantlarga yo'l qo'yilsa, lotni almashtirish uchun muqobil takliflarni baholash tartibining tavsifi**

5.1. Muqobil xizmat variantlariga yo'l qo'yilmaydi.

### **6. Texnik topshiriq**

UMUMIY TALABLAR	
Ishlab chiqarishning maqsadi	"Welcome to Uzbekistan" hamda "Ziyorat turizm" qisqa metrajli videoroliklarni suratga olish
Maqsadli auditoriya	Keng jamoatchilikka mo'ljallangan

Rolikdan foydalanish	Videorolikni quyidagi hollarda qo'llash mumkin: 1. Ko'rgazmalarda, konferensiyalarda, uchrashuvlarda; 2. Internetda: veb-saytlar, ijtimoiy tarmoqlar va boshqalar; 3. Mahalliy va xorijiy LED ekranlarda; 4. Mahalliy va xorijiy telekanallarda.
Xronometraj	2 ta videoroliklar xar biri (30, 60, 120) sekunddan iborat
Til	Videorolik uch tilda ishlab chiqiladi sub titr bilan: 1. O'zbek tili 2. Rus tili 3. Ingliz tili
Kontentning o'ziga xosligi	1. Plagiat ishlatmasdan yangi loyihani ishlab chiqish. 2. Kontent qismi uchun to'liq javobgarlik muallifga yuklatiladi.
Fayl formati	4k(60fps); 2k(60fps); FullHD 1920-1080(25fps);
Videorolikning ovozi va musiqiy dizayni	O'zbek, ingliz, rus tillarida dublyaj, rolik uchun kuy bastalash va musiqiy bezak, "Cubase" formatida ovozlashtirish.
Ijrochini tanlash bosqichlari	1. Mualliflik loyihalarini taqdim etish (Portfolio). 2. Ushbu rolik uchun ishlab chiqilgan barcha konsepsiya (ssenariy, sinopsis, vizualniy raskadrovka, chet el xodimlar dronlaridan foydalanish) taqdimoti. 3. Batafsil xarajatlar smetasini taqdim etish.
Videorolikning qisqacha tavsifi	"Welcome to Uzbekistan" hamda "Ziyorat turizm" videoroliklarini ishlab chiqish uchun turizm salohiyatini ochib beruvchi kadrlar xaqida to'liq ma'lumot
<b>TEXNIK PARAMETRLAR</b>	
Videorolik yo'nalishi	Grafika va suratga olish jarayonlari asosida videoroliklar
Talab qilingan dastur	Autodesk 3dMaxs; Maya; Adobe after effect; Adobe premiere;
Videorolik Format	4k(60fps); 2k(60fps); FullHD 1920-1080(25fps);
Tekstura	Individual chizilgan (Hing Quality) (High Quality) Modellar releflash(Normaliy Map) (Normal Map)
Personajlar	qaxramonlar o'sha davr liboslarida har bir personaj harakatda (50 ta odam)
Simulyatsiyalar	Kun va tun Shamol Tabiat (daraxtlar, maysalar, qushlar) Suv (Ariq, ko'l va daryolar)
Studiya	(ovoz, shovqin, musiqiy bezak, dublyaj, uchta tilda titrlash)
Grafik dizayn	(shu jumladan infografika) Slayder Filtrlar Frost
<b>LOYIHANING QIYMATI</b>	
<b>993,0 mln</b> (to'qqiz yuz to'qson uch million) so'm.	
<b>ISHLARNI BAJARISH MUDDATI</b>	
Shartnoma imzolangan kundan boshlab 60 (oltmish) kun.	

## **7. Ishtirokchilar takliflarini baholash mezonlari va ko'rib chiqish tartibi.**

7.1. Takliflarni taqqoslash natijalariga ko'ra xarid komissiyasi tanlash g'olibini aniqlaydi va tanlash o'tkazish natijalarini bayonnomada aks ettiradi.

7.2 Xarid komissiyasining qarori bilan tanlash bo'yicha xarid qilish hujjatlarida va taklifda ko'rsatilgan mezonlarga muvofiq g'olibning taklifidan keyingi eng maqbul taklifni taqdim etgan ishtirokchi sifatida e'tirof etilgan zaxiradagi g'olib aniqlanishi mumkin.

7.3 Bayonnomada davlat buyurtmachisi tomonidan u rasmiylashtirilgan kunda davlat xaridlarining elektron tizimiga muhokama qilish uchun ikki ish kuniga joylashtirilishi kerak.

7.4 Agar ikki ish kuni ichida tanlash ishtirokchilari tomonidan tanlash o'tkazish natijalari bo'yicha e'tirozlar kelib tushmagan bo'lsa, davlat buyurtmachisi va xarid komissiyasi tomonidan g'olib deb topilgan ishtirokchi o'rtasida shartnoma tuziladi.

7.5 Muhokama uchun belgilangan muddat tugaganidan keyin kelib tushgan e'tirozlar xarid komissiyasi tomonidan ko'rib chiqilmaydi.

7.6 Tanlash ishtirokchilari tomonidan tanlash o'tkazish natijalari bo'yicha e'tirozlar kelib tushganda, xarid komissiyasi e'tirozlarni ko'rib chiqadi va tegishli qaror qabul qiladi.

7.7 Davlat buyurtmachisi tomonidan xarid komissiyasiga taqdim etilgan muhokama natijalari to'g'risidagi axborot asosida xarid komissiyasining tegishli majlisi bayonnomasi rasmiylashtiriladi va imzolangan kundan boshlab uch ish kuni ichida davlat xaridlarining elektron tizimiga joylashtiriladi.

7.8 Tanlash natijalari bo'yicha tuzilgan shartnoma to'g'risidagi axborot davlat buyurtmachisi tomonidan maxsus axborot portaliga u tuzilgan kundan boshlab uch ish kundan kechiktirmay joylashtiriladi.

## **8. Shartnoma loyihasi:**

### **Shartnoma**

(Qisqa metrajli videorolik ishlab chiqarishga oid)

Toshkent sh.

«\_\_\_» \_\_\_\_\_ 2022-y.

O‘zbekiston Respublikasi Turizm va madaniy meros vazirligi huzuridagi “**Milliy PR-markazi**” DUK (keyingi o‘rinlarda “Buyurtmachi” deb yuritiladi) nomidan Ustav asosida ish yurituvchi direktor **Samandarova D.M.** bir tomondan va keyingi o‘rinlarda “Ijrochi” deb nomlanuvchi \_\_\_\_\_ nomidan \_\_\_\_\_ asosida ish olib boruvchi \_\_\_\_\_ ikkinchi tomondan, keyinchalik matnda birgalikda va/yoki alohida “TOMONLAR” deb yuritiladi, 2022-yil \_\_ - \_\_\_\_\_dagi “Milliy PR-markazi” DUK xarid komissiyasi yig‘ilishining \_\_\_ -son bayoniga muvofiq maxsus axborot portali (*xarid.uzex.uz*) da e‘lon qilingan tanlov natijalari bo‘yicha (lot raqami \_\_\_\_\_) mazkur haq evaziga xizmat ko‘rsatish (ish bajarish) to‘g‘risidagi Shartnoma (keyingi o‘rinlarda – Shartnoma)ni quyidagilar haqida tuzdilar:

#### **1.SHARTNOMA MAZMUNI**

1.1.Ushbu Shartnomaga ko‘ra Ijrochi Buyurtmachining ko‘rsatma va topshiriqlariga binoan Buyurtmachi uchun qisqa metrajli videorolik ishlab chiqarishga oid ishlarni (keyingi o‘rinlarda “Ishlar” deb yuritiladi) bajarish majburiyatini o‘z zimmasiga oladi. Buyurtmachi esa bajarilgan ishlarni qabul qilib olish va haqini to‘lash majburiyatini oladi.

1.2.Ijrochi tomonidan bajariladigan ishlarning tasnifi Shartnomaning ajralmas qismi hisoblanuvchi Texnik topshiriq (1-Ilova)da belgilanadi.

1.3.Shartnoma doirasida yaratilgan media mahsulotlar va boshqa mualliflik huquqi obyektlariga nisbatan mualliflik huquqiga Buyurtmachi egalik qiladi.

#### **2.ISHLAR NARXI VA HISOB-KITOB TARTIBI**

2.1. Shartnoma imzolangandan va O‘zbekiston Respublikasining “Davlat xaridlari to‘g‘risida”gi Qonuniga (47-modda) muvofiq shartnoma to‘g‘risidagi ma‘lumotlar shartnomalar reestriga kiritilganidan keyin, Buyurtmachi har bir buyurtma uchun 3 (uch) kun ichida bajariladigan ishlar uchun Ijrochining hisob raqamiga mazkur Shartnomaning 2.3.bandida ko‘rsatilgan summaning 30 % i miqdorida oldindan to‘lovni o‘tkazib beradi. Summaning qolgan 70 % qismi taqdim etilgan hisob-fakturaga asosan, hisob faktura taqdim etilgan sanadan boshlab 5 (besh) kun ichida to‘lanadi.

2.2. Mazkur Shartnoma yuzasidan to‘lovlar Buyurtmachi tomonidan Ijrochining hisob raqamiga pul o‘tkazish yo‘li bilan amalga oshiriladi.

2.3. Shartnomaning umumiy bahosi **QQS bilan \_\_\_\_\_ (\_\_\_\_\_)** so‘mni tashkil etadi.

2.4. Ishlarni bajarish muddati mazkur Shartnomaning 2.1.bandiga muvofiq Shartnoma imzolangan kundan boshlab 60 (oltmish) kuni tashkil etadi.

#### **3. TOMONLARNING HUQUQ VA MAJBURIYATLARI**

3.1.Ijrochining majburiyatlari:

3.1.1. Shartnomaning 1.2.bandida nazarda tutilgan ishlarni vijdonan va o‘z vaqtida bajarish;

3.1.2. O‘zbekiston Respublikasining amaldagi qonunchiligiga muvofiq Ishlarni bajarish uchun ruxsat beruvchi hujjat(lar)ning nusxasini taqdim etish;

3.1.3. Shartnoma mazmunining hamda Buyurtmachidan Ijrochiga ma‘lum bo‘lgan boshqa har qanday ma‘lumotlarning qat‘iy maxfiylikiga rioya qilish.

3.1.4. Buyurtmachiga Ijrochining Shartnoma bo‘yicha majburiyatlarini bajarishga har qanday ta‘sir ko‘rsatishi mumkin bo‘lgan holatlar to‘g‘risida, shuningdek Ishlarni bajarishdan Buyurtmachi uchun yuzaga kelishi mumkin bo‘lgan salbiy oqibatlar to‘g‘risida xabar berish;

3.1.5. Agar biron bir sababga ko‘ra Ishlarni bajarishning iloji bo‘lmasa, bu haqda darhol Buyurtmachiga xabar berish;



3.1.6. Ishlarni bajarish jarayonida Ijrochi Shartnoma shartlarini buzgan taqdirda yoki Buyurtmachining talablariga javob bermaydigan ishlar bajarilganda, Buyurtmachining talabiga ko'ra aniqlangan barcha kamchiliklarni bepul bartaraf etish.

3.2. Ijrochi quyidagi huquqlarga ega:

3.2.1. Buyurtmachidan ushbu Shartnomaga ko'ra Ishlarni bajarganlik uchun haq o'z vaqtida to'lanishini talab qilish;

3.2.2. Ishlar bajarilishini ta'minlash uchun uchinchi shaxslarni jalb qilish. Bunda majburiyatlarning uchinchi shaxslar tomonidan bajarilishi Ijrochini mazkur Shartnoma shartlarining bajarilishi bilan bog'liq javobgarlikdan ozod qilmaydi;

3.3. Buyurtmachi majburiyatlari:

3.3.1. Ijrochi bilan Ishlarni bajarish muddatlarini kelishish va tasdiqlash;

3.3.2. Ishlar bahosi bo'yicha to'lovlarni o'z vaqtida amalga oshirish.

3.3.3. Ijrochi tomonidan bajarilgan Ishlarni ishlar bajarilganligi to'g'risidagi dalolatnomalarga ko'ra qabul qilib olish;

3.3.4. Ishlar bajarilganligi to'g'risidagi dalolatnoma taqdim qilingan kundan keyingi kundan boshlab 5 (besh) ish kuni ichida e'tirozlar bildirilmagan taqdirda Ishlar Buyurtmachi tomonidan qabul qilingan hisoblanadi.

3.4. Buyurtmachi quyidagi huquqlarga ega:

3.4.1. Shartnoma shartlariga muvofiq o'z vaqtida va sifatli xizmat ko'rsatilishini talab qilish;

3.4.2. Ishlar bajarilishining borishi to'g'risida Ijrochidan ma'lumot olish;

3.4.3. Shartnomada va O'zbekiston Respublikasining amaldagi qonunchiligida nazarda tutilgan hollarda Shartnomani bekor qilish.

#### **4. TOMONLAR JAVOBGARLIGI**

4.1. Tomonlar Shartnoma bo'yicha o'z majburiyatlarini bajarmagan yoki lozim darajada bajarmaganliklari uchun O'zbekiston Respublikasining amaldagi qonunchiligiga muvofiq javobgar bo'ladilar.

4.2. Ijrochi tomonidan Shartnomaning 3.1-bandida ko'rsatilgan majburiyatlar bajarilmagan yoki lozim darajada bajarilmagan va/yoki Ijrochi tomonidan Ishlar ishlarni bajarish muddati kechiktirilgan taqdirda, Ijrochi kechiktirilgan har bir kun uchun Ishlar umumiy bahosining 0,01 foizi hisobidan, biroq Ishlar umumiy bahosining 50 foizidan ko'p bo'lmagan miqdorda jarima to'laydi.

4.3. Ijrochining bajargan Ishlari uchun to'lovlarni amalga oshirish muddati buzilgan taqdirda, Buyurtmachi to'lovning kechiktirilgan har bir kuni uchun to'lanmagan summaning 0,01 foizi miqdorida, biroq Ishlar bahosining 50 foizidan ko'p bo'lmagan miqdorda jarima to'laydi.

4.4. Jarimani to'lash Tomonlarni Shartnoma yuzasidan o'z majburiyatlarini bajarishdan ozod qilmaydi.

4.5. Ushbu Shartnomadan kelib chiqadigan barcha nizolar, agar ular muzokaralar yo'li bilan hal etilmagan bo'lsa, Toshkent tumanlararo iqtisodiy sudida hal qilinadi.

4.6. Ijrochining ushbu Shartnomaga ko'ra suratga olish ishlarini sifatsiz bajarganligi oqibatida buyurtchiga yetkazilgan yoxud kelgusida yetkazilishi mumkin bo'lgan har qanday zarar Ijrochi tomonidan to'liq hajmda qoplanadi.

#### **5 KORRUPSIYAGA QARSHI SHARTLASHUV**

5.1. Tomonlar O'zbekiston Respublikasining normativ-huquqiy hujjatlaridagi Korrupsiyaga qarshi tegishli shartlar va talablardan, korrupsiyaga oid huquqbuzarliklarni sodir etganlik uchun javobgarlikning muqarrarligidan xabardor ekanliklarini kafolatlaydilar.

5.2. Tomonlar ushbu Shartnoma majburiyatlarini bajarish chog'ida o'z vakillari (xodimlari) tomonidan manfaatlar to'qnashuviga olib keladigan yoki olib kelishi mumkin bo'lgan shaxsiy manfaatdorlikka yo'l qo'ymaslik choralari ko'radilar.

5.3. Mazkur Shartnoma yuzasidan majburiyatlarni bajarishda Taraflar, ularning affillangan shaxslari, xodimlari yoki vositachilari O'zbekiston qonunchiligiga ko'ra pora berish/pora olish,

tijoriy pora berish deb baholanuvchi, shuningdek, O'zbekiston Respublikasi qonunchiligi talablarini har qanday ravishda buzuvchi xatti-harakatlarni sodir etmaslik majburiyatini oladilar.

#### 6. FORS-MAJOR HOLATLARI

6.1. Majburiyatlarni bajarmaganlik yoki lozim darajada bajarmaganlik uchun javobgarlikdan, Tomonlar, agar bu favqulodda vaziyatlar oqibatida yuzaga kelganligini isbotlasalar, ozod qilinadilar.

6.2. Favqulodda vaziyatlar yuzaga kelgan taqdirda, Shartnomaning amal qilish muddati ushbu favqulodda vaziyatlarning davomiyligiga qarab tegishli davrga uzaytiriladi.

#### 7. SHARTNOMA MUDDATI

6.1. Ushbu Shartnoma Tomonlar imzolaganlaridan boshlab kuchga kiradi va 2022-yilning 31-dekabrgacha amal qiladi.

#### 8. BOSHQA SHARTLAR

7.1. Tomonlar ushbu Shartnomaning shartlarini to'g'ri bajarish uchun va amaldagi qonunchilikka muvofiq, mazkur Shartnomada, uning ilovalari va hisob fakturalarda keltirilgan o'z shaxsiy ma'lumotlarining qayta ishlanishi, tarqatilishi va ulardan foydalanilishiga o'zlarining roziliklarini berdilar.

7.2. Tomonlarning shaxsiy ma'lumotlaridan uchinchi shaxslarning foydalanishiga faqatgina amaldagi qonunchilikda aniq belgilangan hollardagina yo'l qo'yiladi.

7.3. Shartnoma imzolangan paytdan boshlab kuchga kiradi va Tomonlar o'z majburiyatlarini to'liq bajargunlariga qadar amal qiladi, bunda Buyurtmachi Ishlar bahosini to'liq to'lagandan so'ng, uning majburiyatlari to'liq bajarilgan hisoblanadi, shuningdek Ijrochi Buyurtmachining topshirig'i va ko'rsatmalari asosida Ishlarni to'liq bajargan taqdirda, uning majburiyatlari to'liq bajarilgan hisoblanadi.

7.4. Shartnomaga kiritilgan barcha o'zgartirishlar va qo'shimchalar yozma ravishda rasmiylashtiriladi, Tomonlar tomonidan imzolanadi va Shartnomaning ajralmas qismi hisoblanadi.

7.5. Shartnoma Tomonlarning kelishuvi bilan, shuningdek Shartnomada va O'zbekiston Respublikasining amaldagi qonunchiligida nazarda tutilgan boshqa hollarda bekor qilinishi mumkin.

7.6. Shartnomada ko'zda tutilmagan barcha holatlarda Tomonlar O'zbekiston Respublikasining amaldagi qonunchiligiga tayanadilar.

7.7. Mazkur Shartnoma 2 asl nusxada o'zbek tilida tuzildi va Tomonlarning har birida bir nusxadan saqlanadi.

#### TOMONLARNING REKVIZITLARI, MANZILI VA IMZOLAR:

##### Buyurtmachi:

«Milliy PR-markazi» DUK  
Manzil: Toshkent sh., Oybek, 18  
Stir: 204799073, MFO: 00847  
H/R: 20210000404303131001  
Bank: TIF Milliy bank  
Yashnobod filiali  
Tel (95) 195-21-07

Direktor

D.M.Samandarova

##### Ijrochi:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_